



Općinskom sudu i Tužilaštvu KS **SIPA** predala izvještaj o postupanju u **KCUS-u**

Pripadnici SIPA-e 5. jula uzeli dokumente o liječenju Palića i Hote

Pripadnici Državne agencije za istrage i zaštitu (SIPA) predali su jučer Općinskom sudu Sarajeva izvještaj o poduzetim radnjama i aktivnostima na Kliničkom centru Univerziteta u Sarajevu (KCUS), potvrđeno je za "Avaz" iz ove policijske agencije.

Inspektori ove agencije postupali su prema naredbi Općinskog suda u Sarajevu tokom prošle sedmice.

- Predati su izvještaji i prilozi izvještaja Općinskom sudu u Sarajevu i Tužilaštvu Kantona Sarajeva - rekao je za "Avaz" Luka Miladinović, portparol SIPA-e.

Pripadnici SIPA-e, podsjećamo, 5. jula su izuzeli dokumente o liječenju Palića i Hote, pacijenta koji su preminuli prije tri mjeseca u ovoj zdravstvenoj ustanovi pod vrlo čudnim okolnostima. Damir Koldžo, advokat porodice Palić i Hota, 11. juna podnio je krivičnu prijavu protiv Sebi-je Izetbegović, direktorice



KCUS: SIPA četiri dana izuzimala predmete

KCUS-a, i ostalih ljekara, zbog čega je Sud izdao naredbu da se ova dokumentacija i izuzme.

Aktivnosti ove policijske agencije obavljani su pod nadzorom Tužilaštva KS, koje vodi istragu u vezi s teškim krivičnim djelima protiv zdravlja ljudi i zloupotrebe položaja ili ovlaštenja.

Saznajemo da je SIPA preuzela i predmete koji se tiču tretmana svih pacijenata koji su boravili u KCUS-u od otvaranja Covid odjeljenja pa do njegovog zatvaranja. SIPA,

međutim, navodno nije našla svu dokumentaciju koja se odnosi na dio u vezi s formiranjem posebnog Covid odjela i problema s kisikom i instalacijama.

Upitno je i to je li izuzeta kompletna dokumentacija koja se odnosi na navode članova porodica da KCUS falsificira dokumentaciju umrlih pacijenata s ciljem da se zataška istina o načinu smrti. Sada je na potezu Tužilaštvo KS, koje je još početkom aprila formiralo predmet KCUS, ali nije saslušalo sve aktere. M. Aš.